

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126164](#)

Dominica XXI. post Trinitatis.

E·vangelium Ioh. 4. v. 47. --- 54.

EXORDIUM.

Cum Deus justissimus primum mundum diluvio inundare & perdere vellet, rupti sunt omnes fontes abyssi magna, & catara-ctæ cœli apertæ sunt: Et facta est pluvia super terram quadraginta diebus, & quadraginta noctibus: Sic consumta est omnis caro hominum pariter & animantium, quæ movebatur super terram. Sed arcæ, & iis, qui cum Noah in arca erant, a-quæ incommodare non poterant: verum quo plus multiplicatae sunt, eo plus eleva-runt arcam in sublime à terra, ut tandem quindecim cubitis altior esset aqua, super montes excelsos quos operuerat, Gen. 7. v. 11. seqq.

Hæc jucunda crucis idea est, qua Deus fideles suos in his terris afficere solet, ut illi in arca angustiarum degere cogantur, & à decumanis tribulationum fluctibus miris modis agantur. Sed non detrimento ipsis est: multo magis elevantur hoc ipso à terra, omnibusque rebus terrenis, ut quæ retro sunt obliviscentes, ad ea quæ sunt priora se extendant, ad destinatum scopum persequentes, ad bravium supernæ vocationis Dei, in Christo Jesu, Phil. 3. v. 14. Ideoque crucem abhorre non debemus. Misericordia, qui nunquam miseri fuerunt, inquit Seneca. Caro percutitur, ut anima sa-uetur, ut Basilius ait.

Hic usus ægritudinis

Ut medicina corporis

A tartaro præserverat.

Darum schickt Gott die Trübsal her,

Dass unser Fleisch gesüchtigt wird,

Zur ewigen Freud erhalten.

Potissimum vero ad preces hoc ipso incitamus: Domine, in angustia requisiremus te: meditatio quando eos castigas. Esa. 26. v. 16.

Exemplum hujus rei proponitur nobis in prælecto Evangelio, in Regio Satrapa, qui multa de Christo audierat: sed integrum ei non fuit, ut Christum accesserit, & informationem ab eodem hauserit: dum cruce impellitur, ejusque filius febri ardente infestatur: tum surgit perfugiens ad eum, de quo audierat, quod morbos alias insanabiles curare & profligare posse, tanquam Dominus magnus consilio, & magnus operibus, Jer. 32. v. 19. Nec irrito sane successu: quodcumque enim desideravit, impetravit quoque: nec modo magno gaudio desibutus: sed & cum universa domo sua, ad salutarem Christi agnitionem perductus est. Nos methodo nostræ insistentes, discemus ex hoc Evangelio:

I. Αὐθεωτολογια, sive notitiam nostri.

II. χριστορωτια, sive notitiam Christi.

J. J.

Ex-